

## Pablo Filemórē ojáca pūrī ni'i

*A'ti pūrī a'tiro weero ojano'pā nise ni'i*

Pablo Filemó wāmetigare ojacu niwī. Cū ne waro Romapu bu'iri da'reri wi'ipu wa'anu'cācaterore a'ti pūrīrē ojacu niwī. Filemó Colosacjã nicu niwī. Pablota cūrē Jesucristore ējōpeocā weecu niwī.

Filemó su'ti da'reri wi'i wiogu nicu niwī. Tojo weegu da'raco'teri masā cuocu niwī. Cū, cū ya wi'ipu Jesucristore ējōpeorārē su'ori nerēnu'cūcā'cu niwī.

Pablo Filemórē a'tiro nicu niwī: “Ni'cārōacārē Onésimo mu'cu tiropu da'raco'temi'cu Jesucristore ējōpeomi. Cū mu'urē da'raco'tecaterore ña'arō weecu niwī. Cū mu'cu tiropu ejacā, cūrē añurō weeya. Cū ña'arō wee'que wapa mu'cu wapaseecāma, yu'cu cūrē wapayebosaguti”, nicu niwī Pablo.

*Pablo Filemórē oja'que ni'i*

<sup>1</sup> Yu'cu Jesucristo yere werese wapa, bu'iri da'reri wi'ipu ni'i. Filemó, marī acaweregu Timoteo me'rã mu'urē oja'a. Mu'cu ũsã uputu ma'igũ Jesucristo yere weretamugũ ni'i.

<sup>2</sup> Mu'cu ya wi'ipu Jesucristore ējōpeori curuacjãrã nerēwuarã quē'rārē oja'a. Marī acawerego Apia wāmetigore, tojo nicã Arquipo quē'rārē oja'a. Cū ũsã weronojō Jesucristo yere weregu tutuaro me'rã da'ranu'cūsami.

<sup>3</sup> Musãrē Ō'acũ marĩ pacu, Jesucristo marĩ wiogu añurõ weeato. Musãrē ejerisãjãcã weeato.

*Pablo Filemó ye cjasere ucũ'que ni'i*

<sup>4-5</sup> Yu'u mu'urē “A'tiro weemi”, nicã tu'owu. “Marĩ wiogu Jesure ma'imi, cãrē ějõpeomi” nisere tu'owu. Tojo nicã “Jesure ějõpeorãrē mejãrõta ma'imi” nisere tu'owu. Tojo weegu Ō'acũ yu'u wiogure sãrĩgũ, mu'urē sãrĩbosasetirinucũ e'catise o'o'o. <sup>6</sup> Mu'u ějõpeosere ãpãrãrē wereturiacã uagu sãrĩbosa'a. Jesucristo marĩrē añurõ weesere masĩtu'ajato nĩgũ sãrĩbosa'a. <sup>7</sup> Acaweregu, mu'u Jesucristore ějõpeorãrē wãcũtutuacã weewu. Tojo weegu yu'u mu'u me'rã e'cati'i. Mu'u ãpãrãrē ma'isere tu'ogu, wãcũtutua'a.

*Onésimo Filemórē da'rawã'ñaco'tegu ní'cure “Añurõ ñe'eña” ní'que ni'i*

<sup>8</sup> Filemó, mu'u añurõ weeseti'i. Tojo weegu yu'u Jesucristo besecũ'ucũ niyugu, mu'urē “A'tiro weeroua'a”, ni dutimasĩ'i. <sup>9</sup> Sõ'owaro dutibutiasĩ'rĩtisa'a. Ma'ise me'rã pe'e mu'urē “Tojo weeya”, nisĩ'rĩsa'a. Yu'u bucu ějã wa'a'a. Jesucristo yere werese wapa, bu'iri da'reri wi'ipu ni'i. <sup>10</sup> Mu'urē Onésimo ye cjasere “A'tiro weeya”, nisĩ'rĩsa'a. A'topu bu'iri da'reri wi'ipu cã Jesucristore ějõpeonu'cãmi. Yu'u macũ weronjõ nimi.

<sup>11</sup> Toduporopure cũ mu'urē da'raco'tegu queoro weeticu niwĩ. Ni'cãrõacã pũrĩcãrē marĩ puarãrē mu'urē, tojo nicã yu'ure weetamumasĩmi. <sup>12</sup> Mu'u tiropu cãrē yu'u uputu maigũrē o'óguti tja. Cãrē añurõ ñe'eña.

13 A'topu cūrē yu'u me'rā tojaque'acā uami'i. Yu'u Jesucristo yere werese wapa, bu'iri da'leri wi'ipu ni'i. Cū a'topu nirō ejatuaro mu'u yu'ure weetamubo'quere weetamubosami.

14 Mu'u dutiro pe'e yu'u weesī'rīsa'a. Mu'u "Jau" nicāma, mu'u tojo nise yu'u dutibutiasē mejēta nirōsa'a. Mu'u uaranojō wa'arosa'a.

15 Apetero weero a'tiro wa'apā. Onésimo yoaticā aperopu wa'apī. Ni'cārōacārē mu'urē cūrē cuonu'cūdutiro tojo wa'aro wa'apā.

16 A'tocaterore mu'urē da'racō'tegū weronojō nisome. Mu'urē da'rawā'ñaco'tegū nemorō nigūsami. Mu'u acaweregū mu'u ma'igū waro weronojō nigūsami. Yu'u cūrē uputu ma'i'i. Mu'u pūrīcā tjāsa'a. Cū mu'urē da'rawā'ñaco'tegū se'saro nisome. Jesucristore ējōpeogu, mu'u acaweregū weronojō nigūsami.

17 Marī puarā Jesucristore ējōpeorā ni'i. Tojo weegu yu'ure mu'u "Yu'u me'rācū waro nimi", nīmasī'i. Tojo weegu yu'ure ñe'egū weronojō Onésimorē ñe'eña. 18 Cū apeyenojō dojorēcāma, o wapamoocā, yu'ure tere wapaseeya. 19 Yu'u basuta a'tere oja'a. Wapayeguti. Tojo nimigū, mu'urē a'tiro nīmasīsa'a. Yu'u Jesucristo ye quetire mu'urē ējōpeocā weewu. Tojo wee'que wapa mu'u yu'ure wapamoo'o. 20 Acaweregū, mu'u Jesucristore ējōpeogu niyugu, Onésimorē añurō ñe'ecā u'a. Tojo weegu yu'ure wācūtutuacā weeya.

21 Yu'u mu'urē "Yu'tigusami", ni masītoja'a. Tojo weegu oja'a. Yu'u duti'que nemorō weegusa'a.

<sup>22</sup> Tojo nicã apeye quẽ'rãrẽ nibaque'oguti. Yũ'u cãriãtjore apoyuya. Õ'acũ musã sãrĩsere tũ'ocã, musã tiropũ wa'agusa'a.

*Pablo cã añudutitũo'que ni'i*

<sup>23</sup> Epafra yũ'u me'rãcjũ Jesucristo yere werese wapa, bu'iri da'reri wi'ipũ nimi. Cũ quẽ'rã mũ'ũrẽ añudutise o'omi. <sup>24</sup> Yũ'u me'rã da'rarã Marco, Aristarco, Demas, tojo nicã Luca añudutima.

<sup>25</sup> Marĩ wiogũ Jesucristo musãrẽ añurõ weeato. Tocã'rõta oja'a.  
Pablo

## Õ'âkã hi yeere uúkũri turi Tukano New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

### Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-12-01

---

PDF generated using Haiola and XeLaTeX on 22 Feb 2024 from source  
files dated 31 Aug 2023

00ebd04f-7b0d-5a72-9407-eb53ae2bd086